

▲布告▼ 內政部布告

民國成立之後權姦盜國戕賊共和愛國之士爲保持國體糜軀滅踵前仆後繼義烈之氣薄海同欽第查諸烈士就義匪在一時事蹟亦多錯雜倫乏旌揚之舉恐有湮沒之虞本部筭司內政發潛闡幽具有天職現擬分別調查以備彙請表彰邦人君子倘屬先烈之遺族或爲先烈之鄉隣或與先烈爲患難之交或與先烈有袍澤之誼耳目之間見較確生平之紀述必詳自布告後務宜各舉所知臚列生前事蹟殉國情形函報本部以憑彙案呈請

大元帥核辦特此布告

代理內政總長居正

中華民國六年十月二十七日

▲函電▼

電

國會非常會議致日本當局電

日本東京寺內內閣總理大臣本野外務大臣鈞鑒倭國僞國務總理段祺瑞摧殘憲政蹂躪國法我國之人痛心疾首矢志驅除近西南護國軍方與段氏作戰於川湘人心所歸捷報頻至段氏之亡可立而待該僞總理情兒勢絀近聞藉口出兵歐洲擬向貴國借款購備軍械實則用以屠戮異己宰制國民果成事實戰禍延長直接破壞倭國之安寧間接擾亂東亞之和平中日唇齒之邦休戚與共援助一人以仇全國想我親善之友邦當不出此務望貴大臣嚴詞拒絕以表兩國親善之真誠四萬萬人感無既矣
中華民國國會非常會議全體議員叩

大元帥致張屯殖使午嵐電

唐元帥行營轉甯遠屯殖使張午嵐君鑒馮段違法叛國逼退總統解散議會民國真諦不絕一縷文膺非常國會之選忝列元戎爲國討逆梗短級深殊懼隕越足下俠心毅力共和干城時間謝慧生君稱道足下志行輒爲傾倒袍仇之同諒早心契唐公莫廣仁勇公誠海內同欽護法愛國聲激金石尙希足下聲應氣求聯爲一致以星羅碁布之謀收衆志成城之效惟足下實圖利之西瞻甯遠無任神馳秋風不吝遠乞教我孫文叩感印

程潛致大元帥電

廣州孫中山先生鈞鑒天禍中華蔓生巨愆先生手創民國鋤銖奸暴風聲所播四方景從潛忝列軍籍勉任義務過承獎飾益增慚慙大難未已伏乞時賜指針免於殞越程潛叩宥印

劉建藩致大元帥電

廣州孫中山先生鈞鑒智電奉悉頃張君魯藩來接奉手諭備承獎飾垂念殷殷感愧奚似段逆不道禍國殃民神人共憤不揣綿薄躬率湘南健兒環甲枕戈以從先生之後朱亭之役已挫敵氛現在荳州兩軍相持十餘晝夜今當集兩粵大兵長驅直進殲滅醜類痛飲黃龍湘粵昆連死生與共尙冀時賜教諭俾有遵循無任盼禱劉建藩叩宥

▲廣告▼

○軍政府公報處廣告(一)

本公報現暫以長壽直街第四號廖球記代理發行凡內地外埠欲購閱本公報者希逕向該店定購可也此佈

本公報價目

- 一本報每日出版一號
- 二定購一月者定價大洋八角三月二元三角半年四元五角常年八元須先交報費
- 三國內及日本每號郵費半分南洋美洲各埠郵費酌加
- 四零售每號四仙

○軍政府公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送要讀諸公請致函長壽直街第四號本公報代理廖球記定購可也此佈

中華民國六年十月四日

軍政府公報處啟

○大元帥府參軍處啟事

啟者大元帥府之電話號數如左

秘書處二二零零

參軍處副官室庶務科二零四四

衛隊室二零六九

大元帥府參軍處啟